

長沙府嶽麓誌

長沙府嶽麓志卷之六

郡丞山陰趙

益纂修

遊覽詩 唐

春晚從李長史遊嶽麓道林 駱賓王

幽尋極幽壑春望陟春臺雲光棲斷樹林影入江
杯古簾依格上野徑約山隈落葉翻風去流鶯滿
樹來興闌荀御動歸路起浮埃

初入湘有喜

張九齡

征鞍窮郡路歸楫入湘流望鳥惟貪疾聞猿亦罷

愁雨邊楓作岸數處橘爲洲却記從來意翻疑夢裏遊

自湘水南行

張九齡

落日催行舫逶迤洲渚間雖云有物役乘此更休閑
暝色生前浦清輝發近山中流淡容與唯愛鳥飛還

渡湘江

杜審言

遲目園林悲昔遊今春花柳入邊愁獨憐京國人
南竄不似湘江水北流

晚泊湘江

宋之問

五嶺悽皇客，三湘憔悴顏。
況復秋雨霽，表裏見衡山。
山路逢鵬南，轉心依雁北。
還唯餘望鄉，淚更染攸成斑。

江亭晚望

宋之問

浩渺侵雲根，烟嵐出遠村。
鳥歸沙有跡，帆過浪無聲。
望水知柔性，看山欲斷魂。
縱情猶未已，迴馬欲黃昏。

夜渡湘水

孟浩然

客行貪利涉夜裏渡湘川
露氣聞芳杜歌聲識采
蓮榜人投岸火漁子宿潭烟
行旅時相問沔陽何處邊

湘南漁父

孟浩然

問君何所適暮暮逢煙水
獨與不繫舟往來楚雲
裏釣魚非一歲終日止
如此日落江清桂楫遲
纖鱗百尺深可窺沉鈎
垂餌不在得白首滄浪
空自知

清明

杜甫

著處繁華矜是日長沙千人萬人出渡頭翠柳艷
明省爭道朱蹄驕鬣膝此都好遊湘西寺諸將亦
自軍中至馬援征行在眼前葛強親近同心事金
鐙下山紅粉晚牙穠揆拖青樓遠古時喪亂皆可
知人世悲歡暫相遣弟侄雖存不得書干戈未息
苦離居逢迎少壯非吾道况乃今朝更祓除

湘南卽事

戴叔倫

盧橘花開楓葉衰出門何處望京師沅湘日夜東
流去不爲愁人住少時

夜入湘中

洞庭人夜到孤棹入湘中
露洗寒江徧波搖楚月
空密雲飛暗狄廣澤發鳴鴻
行祗揚帆者江分人不同

湘江漁父

柳宗元

漁翁夜傍西巖宿曉汲清湘
燃楚竹烟消日出不見人
欸乃一聲湘水綠迴看天際下
中流巖上無心雲相逐

長沙蚤春雪後臨湘水呈同遊諸子

劉長卿

江洲暖漸綠烟景淡相和舉目方如此歸心豈奈
何日華浮野雪春色染湘波北渚生芳草東河變
舊柯江山古思遠猿鳥暮情多君問漁人意滄浪
自有歌

江中對月

劉長卿

空洲夕歛烟望月湘江裏歷歷沙上人月中孤渡
水

湘中憶歸

劉長卿

終日空理棹經年猶別家
頭來形已遠彌覺天無
涯白雲意自深滄海夢
難隔迢遞萬里帆飄颻
一行客獨憐西江水遠
寄風波裏平湖流楚天
孤鴈渡湘水湘流澹澹
空愁予猿啼啾啾滿南
楚扁舟泊處聞此聲江
客相看淚如雨

湘靈鼓瑟

錢起

善撫雲和瑟常聞帝子靈
馮夷空自舞楚客不堪
聽逸韻諧金石清音發
杳冥蒼梧來怨慕白芷
動芳馨流水傳湘浦悲
風過洞庭曲終人不見
江上

數峯青

湘中

顧況

青草湖邊日色低
黃茅瘴裏鷓鴣啼
丈夫飄蕩今如此
一曲長歌楚水西

湘中酬張十一功曹

休垂絕徼千行淚
共泛清湘一葉舟
今日嶺猿兼越鳥
可憐同聽不知愁

夜泛湘江

于武陵

北風吹楚樹
此心獨先秋
何事屈原恨
不隨湘水

流涼天生半月竟夕棹孤舟一作南游客無成空
白頭

再上湘江

于武陵

好在湘江水今朝又上來不知從此去更遣幾年
迴

杪秋登江樓

李賀

平楚超寒色長沙猶未還世情何處淡湘水向人
開空翠隱高島夕陽歸遠山孤雲萬餘里惆悵洞
庭間

湘中閒夜遣興

朱慶餘

釣艇同琴酒良宵背水濱
風波不起處星月盡隨身
浦迥湘煙捲林香嶽氣春
誰知此中興益羨五湖人

夜泊湘江

郎士元

湘山水落洞庭波湘水連雲秋
鴈多寂莫舟中人
借問月明只自聽漁歌

湘中見進士周誨

羅隱

吳王臺下別經秋破魯城邊暫駐
留一笑有時堪

解夢數年無故不同遊
雲牽楚思橫
漁艇柳送鄉
心入酒樓且酌松醪
依舊醉誰能相見向
春愁

湘中送友人

李頻

中流欲暮見湘煙
岸葦無窮接楚天
去雁遠衝雲
夢雪離人獨上洞庭船
風波盡日見山轉
星漢通
宵向水邊零落梅花過
殘臘故園歸去又新年

湘遊有感

于武陵

杜陵無厚業不得駐車輪
重到曾遊處多非舊主
人東風千里樹西日一洲蘋
又渡湘江水湘江水

復春

寓居嶽麓謝進士沈彬再訪 釋齊己

去歲來尋我畱題在蘚痕
又因風雪夜重宿古松門
玉有疑休泣詩無主且言
明朝此相送披褐入桃源

送友人歸嶽麓

杜荀鶴

家枕三湘岸門前卽釣磯
漁竿經歲別鶴髮亂時歸
嶽靜無猿叫江春有燕飛
平生書劍在莫便學忘機

宋

蒼筤谷逸句

理宗帝

故鶴去尋三島客任人來看四時花

白鶴泉

趙忭

靈派本無源因禽漱玉泉自非流異稟誰識洞中

仙

遊嶽麓

張

春過瀟湘渡真觀八景圖雲藏嶽麓寺江入洞庭湖晴日花爭發豐年酒易酤長沙十萬戶游女似

京都

同遊嶽麓分韻得洗字

張栻

遊觀不作難呼舟
渡清泚新晴宿潦淨
羣山皎如洗
上方着危欄
萬泉見根柢
寒泉白可斟
况復雜肴醴
高談下夕陽
邂逅立鑰啟中流
發浩歌月色在湖底

嶽麓道旁見穫者

張栻

腰鎌聲相呼
十百南畝穫
婦持黍漿饋
幼稚走雀躍
辛勤旣苦爲
幸此歲不惡
王租敢不供
大室趣

逋約雖云粒米多未辦乃升龠姑寬目前饑詎有
卒歲樂樂歲尙爾爲一歉更何託書生獨多憂何
以救民瘼

題五士遊嶽麓

張 栻

閉門六月汗如雨出門襤褸粉塵土文書堆案曲
肱臥夢逐征鴻過前浦西山笑兀不可忘勇往政
須求快覩朝曦朱升起微風中流呶啞挾鳴櫓長
林秀色已在望有如出語見肝腑意行愛此松陰
道眼明還喜碑字古高叵梵釋看幽居深隱仙家

開闕字忽看宮牆高十丈學宮峩峩起鄒魯斯文
政倚講磨切石室重新豈無補危梯徑上不作難
橫欄截出可下俯惟茲翼軫一都會往事繁華雜
歌舞變遷反覆豈重論昔日樓臺連宿莽邇來人
物頗還舊豈止十年此生聚泉流且循除華表鶴
來語炎風知不到山林茗盃蒲團對香縷鼎來杖
屨昔勝引季也亦復同步武洛陽年少共白頭三
閭大夫良自苦一笑便覺真理存高談豈畏丞卿
怒不圖畫僧聖得知貌與兒童作夸詡請君爲我

添草堂風雨瀟湘守環堵

和張晉彥遊嶽麓

張栻

齋舫凌煙浦雲屏入畫圖日烘花炫晝風定水明
湖布穀催春種提壺勸客酤湘中無限景賦咏繼
三都

陪黃秉仲渡湘飲嶽麓臺上分韻得長字

張栻

支筇穿百級把酒問春光喬木依然在幽蘭祗自
芳未嘗湘水滿更覺橘洲長暝色猶回首天涯話

故鄉

清風峽

張 栻

扶疎古木盡危梯開始至今幾攝提還有石橋容
客坐仰看蘭若與雲齊風生陰壑方鳴籟日烈塵
寰正望霓從此上山君努力瘦藤今日得同攜

和石通判酌白鶴泉

張 栻

談天終日口瀾翻來乞清甘醒舌根滿座松聲開
節奏微瀾鶴影漾瑤琨淡中知味誰三晷妙處相
期豈一尊有本自應來不竭濫觴端可驗龍門

東渚二首

張栻

團團凌風桂宛在水之東
月色穿林影却下碧波中

小山幽桂叢歲莫靄佳色
花落洞庭波秋風渺何極

西嶼二首

張栻

朝吟東渚風夕弄西嶼月
人境諒非遥湖山自幽絕

落舟西岸邊幅巾自來去
島嶼花木深蟬鳴不知

處

船齋二首

張 栻

智低蘆葦秋更有江湖思久已倦垂綸游魚不須
避

考槃須在陸混漾水雲深正爾滄洲趣難忘魏闕
心

柳堤

張 栻

渚華初出水堤柳亦成行吟罷天津句薰風拂面
涼

蘭澗二首

張栻

藝蘭北澗側澗曲風紆餘願言植板固芬芳長樹
予

光風浮碧澗蘭杜日猗猗竟歲無人采含薰只自
知

石澗二首

張栻

疏此竹下渠漱彼澗中石暮館遠寒聲秋後動澄
碧

流泉自清瀉觸石短長鳴窮年竹根底和我讀書

聲

登道鄉臺夜歸得五絕

張 栻

三年不作山中客才踏船舷眼便明
曳杖直登千尺磴尚欣脚力慰平生

舊日書堂倚翠屏只今棟宇尚高明
門前恍若聞絃誦瀲灩遶牆流水聲

道傍老松高拂青剝心取眼彼何人
說與往來猿爰護雪霜時節看長身

人來人去空千古花落花開任四時
白鹿泉頭茶

味永山僧元自不曾知

湘江歲晚水清淺橘洲霜後猶青蔥歸舟着一朱
渠進且看漁火聽疎鍾

嶽麓尋梅不獲和元晦韻

張栻

眼看飛雪灑千林更着寒溪水淺深應有梅花連
夜發却煩詩句寫愁襟

與張南軒聯咏

朱熹

泛舟長沙渚振衣湘山岑朱烟雲渺變化宇宙窮
高深懷古壯士志憂時君子心

張

寄言塵中客

蒼翠能尋

懷嶽麓

朱熹

歲月平生意江湖自有身年華供轉徙眼界得清
新試問西山雨何如湘水春悠然一長笑妙絕兩
無倫

七日嶽麓道中尋梅不獲十日遇雪

朱熹

三日山行風繞林天寒歲莫客愁深心期已恨梅
花約急雪無端更滿襟

湘江留別

文天祥

瀟湘一夜雨江海十年雲
相見皆成老重逢便欲
分啼鵲春浩蕩回雁曉
殷勤江海人方健月明
思對君

嶽麓雪晴圖

李長出權生所畫

釋洪覺範

湘西今日雲生早嶽麓雪晴看愈好
朱闌青鎖寄冰杪下冰臨壑青松道
知誰沙步泊漁舟舟中應容寂
音老愛山誰復如君者一幅湘西
和我畫分身亦欲看京華要使
癡兒驚羽化

湘西飛來湖

洪覺範

武林散輝燄一峰螺髻孤烟雲有奇態草木秋不
枯聖公何許來望見輒軒渠曰此靈鷲峰何年飛
來湖個中有白猿爲子抵掌呼至今呼猿澗飛波
跳碎珠璣來楚南國萬山爭走趨精廬開橫塘清
可照鬚眉高人家武林致此從東吳那知湘水西
乃有飛來湖連蕩蒲秋色小艇藏菰蒲閒來倚危
欄對立鷗爛如我與湘峰色俱堪入畫圖

効李白湘中體

洪覺範

夕光江搖魚尾紅
何處扁舟開晚蓬
鴈字初成春有信
煙鬟空好雨無蹤
荒寒數葦橘洲岸
領畧半牕湘寺鐘
浦口行人已爭渡
林下歸僧吹未逢

道鄉臺

潘昉

東坡不謫黃黃應無雪
堂道鄉不如斯
此臺無道鄉
青山非其人
山林能頽頽
一落名勝手
境與人俱香
悲歟倚空絕
臨眺生慨慷
道鄉不可作
承君不可卷

明

元閣

帥師至湘江賦咏 高皇帝

馬渡沙頭苜蓿香
片雲和雨過瀟湘
東風吹醒英雄夢
不是咸陽是洛陽

登嶽麓

王守仁

客行長沙道山川轉綢繆
西探指嶽麓凌晨渡湘流
踰岡復涉險弔古還尋幽
林壑有餘彩昔賢此藏修
我來實仰止匪獨事盤遊
衡雲開曉望洞野浮春洲
懷我二三友伐木增離憂
何當此來聚道義日相求

望赫曦臺

王守仁

隔江嶽麓懸情久
雷雨瀟湘日夜來
安得輕風掃
微靄振衣直上赫曦臺

嶽麓

毛伯溫

千峯萬壑郡城西
何處衡陽望轉迷
古廟鍾聲徧
寂寂荒村樹色自淒淒
瀟湘鴻雁霜前過
嶽麓寒猿嶺外啼
遲暮江闌悲遠客
蒼梧迢遞隔東齊

二

南嶽名峯七十二
逶迤到此更無峯
山深合有賢

人隱踪古偏多雲樹封露重松林朝唳鶴月寒竹
塢夜鳴蛩焚香再拜發長歎一善無聞尙爾慵

偕諸生遊嶽麓

顏 鯨

羣英從我渡滄浪破曉江鄉日欲黃抱膝山中空
管樂開簾樹底見瀟湘人文楚澤星辰合胸次春
陵風月光自笑腐儒踈脫甚只聞塵世亦羲皇

二

碧樹高林屋數楹遠從開寶到皇明斯文一派關
興廢吾道千年屬治平山作衡雲和榻靜座移江

月照人清偶來竹下歌
芄械七十峯頭擊壤聲

嶽麓

李偉

江南得春早二月已可扇
維舟就林樾策杖步危巘
風回岸容改路匝山腰轉
尋幽得深徑稍適遂忘倦
儒宮迥清肅環堵抱山院
向來講道地遽爾經闢戰
刷荒出遺址構木聳層殿
開門俎豆陳薄酒時再奠
金聲絕遺音吾道僅一綫
巍冠敦朴在手尚不釋
卷陳公早知道壯志鏘百鍊
嗟予亦何幸謬接金閨彥
過眼無相親抱璞羞自獻
徜徉趨

聖域感慨清淚潸圓鑿爰方柄初心本無辨強言
甘醴穢忍辱從唾面登堂坐未煖駒陰倏過箭喝
朕仰天呼物態從萬變粘枯蝸殼痴得鼎蛇虎健
歸來登吾舟長江淨如練

嶽麓感舊

顧璘

不到書堂二十年浮湘遷客已華顛惟應嶽麓崖
前樹曾聽哦詩曲水邊

遊麓山峯頂次熊軫峯二首

胡耀

一松山人

身衝雲氣三十丈日俯湘山大半低青隴畊人如

蟻動大荒江影走絲微
蟪蛄吸電高題句拂軫捫
參獨振衣一曲昇平歸未得
正憐萬國載春暉

二

筇穿蘿徑躡山巔
雲杪高懷獨暢
朕江帶練光牽
迥野農隨鳥影散
春田紫霄淬劍龍
懸斗全楚看
山畫展天八表
神遊閑不得
詩成欲馭鶴翩翩

湘江歌

沈元

洞庭之水高拍天一聲鐵
笛疑飛仙老漁醉和時
拍舷欲往從之森無邊
蛟龍笑唾白玉涎忽結青

青千丈蓮吟風弄月來翩翻鳳鳥可跨麟可鞭辟
易圖象僵百川我來弭節江之垸江花開落自年
年江魚游沫信悠肱乾坤萬古留眞傳凌飈迅步
矚並鸞鵬喙魚腹呼靡還鴟啼漠漠霏寒煙英雄
可作我拍肩手挽巨浸當一濺

湘江懷古

羅洪先

秋風江上易生悲寂莫寒流去欲遲漢室幾人憂
賈傅楚狂今日弔湘纍長沙地近家誰識漁父歌
殘舟自移總爲天涯多往事至今班竹尙低垂

湘中望衡嶽

張佳胤

遠遊之客來江潭七十二峯湘水南
杖履深冬已積雪芙蓉雙眼聯停驂
玉書金簡豈難讀紫蓋朱陵終可探
搢笏嶽靈應識我尋盟擬結白雲菴

江夜與一松山人

病眼凌風薄袖開短航獨夜傍沙迴
江濤細雨寒燈落木葉重雲北雁來
尊酒十年悲汝絕青山雙屐爲誰來
紅顏白髮俱愁思紫閣滄洲漫自猜

放舟

張治

淺水孤舟動春帆江色開岸花迎纜出沙鳥傍人
來雲白唐朝寺山青玉女臺乾坤正無限隨意葛
巾頽

湘江舟中

薛瑄

湛湛湘水綠夾岸叢篁多挽舟逆水上南風起微
波嘉此晴景迢迢覩江沱沙洲曠綿邈雲岫紛
嵯峨遠目爲舒暢客意將如何濯纓吾所愛聊爲
扣舷歌

望嶽麓

李永敷

孤峯斷復起遙林鬱相樛雄屹衡嶽趾清帶湘江
流山回路疑合市遠境自幽伊昔構精舍斯文起
前修素心切傾嚮塵鞅阻勝遊春風汎蒹葭芳香
滿汀洲可望不可襲使我徒增憂安得其良友道
義資講求

郡守吳虛庵年丈邀遊嶽麓曾朝節

江上霞光漾錦波畫船簫鼓在銀河同清宦味凌
空碧欲洗塵纓掛薛蘿鴈渡橘洲青嶂杳秋深星
渚白蘋多名邦山水堪吟眺坐對君侯聽棹歌

嶽麓絕頂

蔣希禹

丹梯縹緲共攀躋，千仞罡風引杖藜。
片語真疑通帝座，半空忽訝報天雞。
江頭返照孤城迥，洞口晴雲萬木低。
却背歸鴻望鄉國，蒼梧隱隱祝融西。

嶽麓山

陸寬

峯巒一望削芙蓉，樓閣層層繡碧峯。
石響澗泉鳴地籟，巖飛花雨露禪宗。
嵐光暝接湖煙澗，黛色晴驕郢樹濃。
不信莽蒼無覓處，還從登眺訪遺蹤。

嶽麓峯

王常濫

雙停小隊駐江干，還擁輕輿過杏壇。曲水廻斜杯
九折危峯陡絕磴，千盤禪林樹匝龍宮寂。禹碣苔
封鳥篆殘，何物煙霞能傲客。山靈才許一回看。

遊嶽麓

廖道南

嶽麓障星沙，形勝宛綢繆。遠祖祝融峯，近挹湘江
流。山杳風氣古，谿回煙景幽。哲人炳先覺，法象時
自修。結構層雲坡，羣賢集來遊。朝謁煙蘿洞，莫來
壯若洲。聞道苦不早，撫膺懷深憂。願言同心友，結
髮爲好仇。永爲山林主，日夕事討求。

二

旃蒙初獻歲牡駕趨南來仰止嶽麓地山川助幽
懷白雲抱巖石纒縈仍徘徊昔賢有遺址紫翠封
苔階卽此悟元理造物吾相偕顧彼猥巧輩奔走
紛塵埃曷若山中人厥德永不回

遊嶽麓和顏學使韻

高文薦

萬丈丹崖巖繡楹恣遊選勝得高明水分兩派支
流遠煙鎖三洲沃壤平點瑟回絃傳調雅澧蘭沅
芷散香清九霄仙客頻通信忽爾峯頭一雁聲

起司馬職於嶽麓畱別錢太守

王偉

北近嵩山南遠衡愧居靈麓此中生雲心只可閒
林下嶽色何當贈遠行湘浦一尊孤棹夢燕然萬
里故人情堪持嵐氣畱衣袂反覺凌煙未許清

歐李二寅丈嶽麓同遊

李猶龍

橫空飛翠枕湘流快自公餘結勝遊石漱迴泉清
瀨迥崖畝古木野聲幽琅函好共繩先武藻筆于
今見大歐待邇禹文奇並賞攬衣七十二峯頭

絕句

林 度

嶽麓道林何處是
郡人遙指水西村
儒宮佛寺俱岑寂
竹樹沉沉暮雨昏

瀟湘舟中別某禪人

袁宏道

山深影獨翔
湍月似冰涼
石入分泉鉢
苔生漚藥囊
樹頭懸笠子
經背寫花方
若過君山去
琅玕截許長

遊嶽麓寄敬夫先生

譚元春

去嶽日已遠
茲麓存典型
水陸分中江
延目洲外

汀嶽意無斷絕草木森情形林杪蓄新泉溝洫聲
泠泠拜石修竹旁祝融開遠青首尾歸一厚將竭
見精靈是日寄公書南風下洞庭

遊嶽麓

戴加猷

不作南遷客何由到此堂心虛天共遠意足月俱
涼晦色經秋淡江聲入夜長曲肱聊假寐彷彿見
朱弘

水陸洲

城闕含風迥波光蕩橘洲水迴疑讓路蘋滿欲迷

秋山借霏微色江分自在流木杓幾能渡隔岸喚
漁舟

水陸洲

葉子奇

長沙城西湘水流客來城下繫孤舟隔江幾樹殘
楊柳留與啼鳥伴白頭

遊嶽麓

朱士景

鼓楫橘洲去追隨汗漫遊濤平沙際白日淡寺門
幽齋舫嘗新汲角巾話舊愁凭闌閒指點彼岸是
丹邱

射蛟臺

陸相

燒丹人去但空崖古洞年深鎖綠苔
我有強弓無用處春風閒上射蛟臺

苔居嶽麓者

蔡道憲

蹴碎嶽麓雲剪斷湘江水楓丹染院深
高飄菊衣紫竹露垂朱霞霜華拂劍齒
閒居多苦心中夜嘗數起敲火作長吟
山鬼驚偷耳持寄素心人虹捲吳縑裏
早晚欲行尋相將索奇字

湘江競渡

郭都賢

梅花五月飛江雪杜若洲前酬勝節迎神招得楚
些魂隔江啼老黃鶯舌畫船簫鼓賽沅湘風俗年
年遊戲場蓼蓼一聲萬聲和竹枝柳枝何清揚須
臾橈鼓急如雷不奪盧標誓不回十萬橫摩鞭欲
斷吟龍嘯虎蛟人哀此時歡聲共動地箇箇兒童
懷閩志剛聞絲管沸樓臺復見歌吹滿舟次更有
輕舸不記數鷗浮鱗集相參伍笑語喧呼識不真
往復去來比風雨暮山白墮魯戈停遊人燈火散
如星寂寂空江閉城郭家家幽夢繞沙汀獨有高



樓歡未止羣動旣息思靜理洞簫檀板佐霓裳字
字輕敲落江水

登嶽麓有感

趙開心

幾年眺聽不能清重覲靈峯似友生
幾眼習看湖嶽大九州長憶泰華平
讀殘書記陰分寸閱盡雲知候
變更仰止前賢追禹績山川自古有功名

秋日麓江懷歸

胡統虞

湘水連雲曉未收征帆遠掛碧天秋
心隨江上蘆花雨吹到臨沅古渡頭

歲暮再遊麓江別陶仲調年丈暨馮樸公劉

杜三郭幼隗同社諸子

胡統虞

尋秋入嶽麓中道窘陰雨歲暮復尋來山深雪如
堵人我在山外卑山等撮土邈邈陟高峯茫茫崇
與祖人生履平地懸念猶石乳想結成凝陰趨變
立今古中有素心人能爲風會主睠言顧文禽而
自修毛羽毛羽不自戢飲啄誰得取此身若漏卮
世事類焦釜相傾至今日煉石胡堪補維我同肝
腸千里車相輔古道恒如斯抱膝吟梁父

拜嶽石

黃人焜

蔚蔚芳叢攀磴幾回曲怪石似飛來差我削寒
玉微風動琅玕衣裾染新綠俯臨百仞溪虛危不
任足箕踞坐長松六月肌生粟倚杖動雲根忘記
來時溽掃石且餐霞擬看陽初旭

飛來石

蔣希禹

巨靈劈山石石砥平於掌望望祝融峯不盡真人
想

遊嶽麓

左宜之

中秋納衆領山光無束蟾蜍夜有香漁火微茫生
蓼岸蛩吟次第奏林旁山高石巖舍風漱水漲江
城帶霧藏眺望一時推絕勝盡情盃酌省追傷

遊嶽麓

胡順華

擾擾知何極乘閒選勝來風光看自異素抱若爲
開獨杖凌蒼碣雙柑送綠盃仙巢何處問已是淨
纖埃

雨中懷嶽麓之遊

陶汝鼎

通霄懷嶽麓雨恰隱朝暎煖翠薰僧夢幽香畏客



煩遊須遲霽好晴已後春存不待江潭漲桃花亂
寺門

秋夜與馮根公諸子嶽麓看月聽劉山人吹

簫

陶與鼎

羣峯聯壑到樓邊月上松蘿生紫烟空響豈惟聲
在樹秋容不肯淡諸天踈鐘遠浦雁欲落黃菊碧
雲人自妍倚和洞簫吹徹夜曲翻嵐氣亦紛賅

望嶽麓春雲暮色

周聖楷

尋常雲麓止生翠何處春雲濕有光十嶺雨來成

晚漲一溪晴欲散諸芳樹纔新綠烟相接寺向高
寒氣轉蒼終日憑欄閒眺望伊人幽思宛中央

黃西埜孝廉同弟如晦招遊嶽麓因登其先

隴有作

周聖楷

客中嘗閉戶風日想盈盈不及遊山棹安知春水
生澗溪雲欲動邱壠氣方清聽說徵車近難辭管
樂名

飛來石

楊德遠

我聞嶽麓峯上有飛來石不知是何時尙有行人

跡羣動相往來未覺形神隔以此望南嶽只如離
咫尺南嶽豈不遠與我相主客雲煙了一隔山青
水愈白林木蔚四時引勝投鞭策安知一片石不
自意疇昔遙遙望相似但見天空碧

嶽麓峯

吳愉

澄翠淡新秋攀臨快勝遊懸崖碑自古倒景嶽如
浮樹老濤聲冷雲閑野望悠舉杯天語近身在楚
峯頭

嶽麓偕張王二子登眺絕頂 吳道升

天南名勝枕江開，孤賞相酬把臂來。
博物張華原上客，能詩王粲自奇才。
白雲縹緲層峯合，碧水潺湲曲澗迴。
身世共爭遊汗漫，不妨豪舉醉霞杯。

嶽麓有懷步李太白韻

金嘉會

乘流探禹蹟，舉棹散溪聲。
翠嶂遙依止，烟光動冶情。
野花吹碧落，柳浪隔江城。
古碣留苔淨，寒松瀉響輕。
洙泗千秋在，湘衡此夜清。
鳴泉流碎月，飛石結虛楹。
鳥獸門猶指，鸞螭篆秘精。
浮沉看世變，俯仰感吾生。

雨遊嶽麓

吳 儆

春色偏宜濕乘風渡麓涯入峯山衲喜坐石野人
疑病竹和雲瘦新茶戴雨癡林林如解語樹樹不
相知竟日忘歸去煙鐘擊晚詩

嶽麓憶胡淑易陳東卿戴小戴

吳 儆

層巒飛擁大江流景物天南一望收惻惻寒生煙
寺晚悠悠歌渡遠帆畱清泉助咽巉岩斷古木空
心錯節周遙憶放人何處是雲橫暮岫自沉浮

倚洲月

吳 敏

疎風一颺江樓雲滿蕭湘似不流寒澁漁翁聲
扣月湘城無處不宜秋

登嶽麓絕頂

駱 任

山靈待主幾春秋此日登臨意正酬聲通松濤空
梵落光飛石縷洞雲流一尊獨對乾坤小萬疊窮
觀世界浮載拂蘿煙揆古碣冷狀恍得御風遊

五日龍江同曹樵之宸青家仲兄登潮音閣
觀競渡

但得登臨興卽豪同人况復擅詞騷雲瞻嶽近尊
添綠雨入江寒閣聽高懷古豈徒酬令節迴風何
似送秋濤樓間一日機雲賦方與中原競彩毫

仲夏同周崔居可理遊嶽麓分韻得閒字

蔣之葵

大國猶餘此地閒林風傲骨歟江濤苔沒石沒龍
蛇隱濤靜峰高魚雁還已倦不勞雲入岫未歸誰
許月明山幾聲木鐸敲殘夢明日青牛蚤度關
嶽麓懷古追次蔡白石先生韻

劉象賢

靈巒夢授茂文幽滌二川原指冀州金簡問天先
八載玄圭微禹亦千秋芙蓉丹嶂垂仙乳杜若香
汀護碧流北渚雲中元咫尺左徒何事遠爲遊

宿嶽麓山值大水

吳季友

雄郡若星懸湖湘接遠天水圍衡麓靜雲護禹碑
全八景渾通泛三洲忽已連莫流才子淚倚枕聽
潺湲

重經嶽麓

潘應斗

羣湘江我再來遙峰峻絕倚雲開春閒鳥語啼
青嶂畫冷蟲書滿綠苔絕學此中涿泐地名臣何
處道鄉寧流連幾度斜陽下澗與同人嘆劫灰

國朝

懷嶽麓

余國柱

萬里幽懷逐雁羣遙知丹嶂倚秋曛
臯比曾擁南軒席片石猶傳北海文
花落梵宮渾是雨松懸靈麓半成雲
何時策杖峒嶠頂細剔蒼苔譯斷紋

其二

朝來爽氣襲晴嵐故國名區憶楚南
樹掩春雲迤嶺麓帆攜夕照下湘潭
當時曾授元羹策何處重停赤帝驂
寄語山靈休見諂昇平何用說投簪

嶽麓誌

卷之二

鏡水堂

清秋使還泊麓江與王懷人陶五徵諸子舟中讌集

三湘一笑見名流
觴詠相將晚未休
措大慣爲文字飲
輕舟便是化人遊
千年興替蒼茫事
萬壑江湖浩蕩秋
南望嶽雲如送客
採芝他日更相求

麓江阻雨

王象天

星星疎雨點流波
陣陣寒風凍笠蓑
嶽麓偏隨帆影轉
洞庭不逐石尤過
江光一帶搖楓口
客意千端醉薜蘿
空有鄉思何處寄
雙雙鳥入暮雲多

移尊嶽麓送胡石江應 詔北上

彭而述

清湘漱灑逗玻璃客底離尊好自攜
嶽麓秋風黃葉散洞庭落日鷓鴣啼
九重側席迎師保海

內徵書尚鼓輦却笑襄陽龐處士
白頭只在鹿門西

偕李蔚雯唐十泉遊嶽麓 車萬育

挾客登高結勝緣到來意氣欲騰騫
奔趨九面奇相引縹緲三江碧盡連
山鳥乍窺潭府客雨香多

落橘洲田尋幽更向雙松坐酌取芳清第一泉

讀車太史遊嶽麓詩念先學士曾與陶仲調

年伯唱和其地感懷次韻 胡獻徵

山水先人獨有緣麓雲曾攬客衣濤荆潭唱和誰
能繼鄒魯儒風氣自連已見浮湘求蕙畹應無茂
草在芝田三唐四絕今重見響叶琳瑯瀉碧泉

登麓山次張巡憲韻 胡景曾

四年三換登臨眼杖屨依然數點峯棘剪蒙茸疏
作徑屏開蒼翠滴爲容望連郭外烟低堞影泛空

中日薄松欲跡僊巢杳何處吹香亭畔或相逢

二

瀟湘衣帶翠微間枉笏相看人未還雲麓洞鍾開
碧落法華井水照空山碑陰科斗迺爲譯鹿苑招
提靜不關今古悠悠成底事雄風搔首一躋攀

三

兜子逶迤曲磴鬼抱黃烟寂野花催陰晴是處鍾
神秀雲霧誰人忽洞開太白峨嵋曾托咏子山詞
賦漫興哀移文殊笑猜猿鶴詩史今推落下才

和張巡憲遊嶽麓韻

錢奇嗣

南嶽峯名七十二亭亭一麓砥羣峯錦開雲母屏
邊畫翠滴湘鬟雨後容嶺上清謳畱白雪朝端勁
節比青松峴山勝事何須讓叔子風流此地逢

又

祝融南望盡崔嵬野鳥山花命酒催湘水多年經
世變嶽雲此日爲公開碑存北海名爭羨騷憶靈
均事可哀宣室而今虛席待漢文原重賈生才

登嶽麓和張巡憲韻

胡壯生

盛遊髣髴在天間
清夏攜從一往還
陶鑄親承皇甫謚
風流如拜白香山
三湘近遠疑無際
八景參差遞作關
不有新詩競吐秀
空餘逸事負躋攀

又

山光鳥語立崔嵬
百嶠留人去不催
江水何年澄見底
衡雲此日霽重開
烟波極目今猶昔
民隱關心樂轉哀
下吏自慚蟲響細
登高徒羨大夫才

登嶽麓步張巡憲韻

倪康年

雲外嶙峋窺碧漢
蒼然遙接祝融峰
懸崖古樹收

江色入寺荒烟老佛容篋谷苔深花覆水道鄉臺
圯崔嵬松橫空不盡供清賞淡宕幽心靜裏逢

又

身在浮雲積翠間輕飄猶羨鳥飛還古今勲業留
殘碣天地文章綴遠山月照花城心自愧風搖羽
檄夢猶關暫邀半日間中趣不憚捫蘿策杖攀

登嶽麓

鹿兆甲

諸峰秀色瞰高亭歷盡幽篁度石屏佛舍旃檀雲
不掃僧房猿鶴畫還局沙圓燕尾窓前白江映蟻

眉坐底青試倚危欄舒嘯咏天風吹送芷蘭馨

雨中嶽麓

周崇旦

薄海尊南嶽尋幽萬里來望迷山外雨行滑徑中
苔古勝雲爲護窮巔日半開賡詩無得句徒向夢
餘猜

遊嶽麓口占

薛柱斗

立馬高山逸興賒翹然四望渺無涯遙瞻雲起烟
封處笑指長沙十萬家

二

青梅煮酒白雲餘紫氣光騰赤水涯翠柏蒼松苔
石綠碧潭清影照僧家

遊嶽麓

張鴻烈

策馬盤回冒雨行箚篁夾路鷗鵠聲道林寺近孤
僧在嶽麓雲多古木橫百曲流泉分斷續千巖翠
色辯陰晴松風謾謾吹衣袂懷舊蒼茫繫遠情

登嶽麓頂

沈一揆

藍輿衝破白雲根絕幟籐蘿手自捫海內名山堪
伯仲眼前列岫盡兒孫壁留科斗傳奇字烟鎖蛟

龍護石門俯瞰湘江帆影疾乘槎直擬問崑崙

登嶽麓絕頂

布政使黃性震

乾坤靈跡自何年
䟽鑿神碑斗際騫
壁立千尋凝就日
削成一柱欲承天
人家烟火星沙郡
客渡帆檣湘浦船
氣象蒼茫歸指顧
還瞻北極紫雲邊

再遊嶽麓同魯崔洲留宿夜讀陶密菴先生

文集志感

胡作梅

高士歿何年今始睹遺躅挑燈夜諷咏適與賞心
觸賞心亦何爲騷比莊寓績韶年馳令聞垂老猶

秉燭白日蓄寸心徽音皆片玉開軒松柏秀望遠
薇蕨緣大笑非爲樂痛哭非爲辱偉矣千秋志名
山業相屬

登嶽麓

阜爾堪

入山蒼翠合萬木與雲平磴曲盤幽徑林深障化
城寒泉咽澗道空壑應鍾聲坐愛松關靜塵心無
可生

丹泊嶽麓上胡沂庵司李

唐世徵

入江烟鳥太縱橫泊舫纔知春水生青上岫嶮頻

過眼香聞杜若，關情龍門舊設。通家楊估客，生憎咏史聲。敢向公邊，搖玉麈。三升清酒博虛名。

同諸子泛舟湘江

嚴 珽

漫說沙棠一葉舟，清秋理楫乍臨流。長年賈勇驚飛鷁，上客怡情笑狎鷗。菊放滿浮鸚鵡杓，楓飄頻典騶騶裘。湘江上下從游泳，無事風波問石尤。

水陸洲

楊起雲

芳艸青青橫沮洳，漾蕩漁舟自來去。江聲日夜聽潺潺，野鳥輕鷗沙際閒。二水中分流向北，一望清

湘幾灣綠數聲鍾磬送黃昏殘霞返照入江村

同王翼之諸子遊嶽麓

江有溶

早春招我輩高峯鳥語花香雜梵鍾人世勞勞休
未得嶽雲千古自從容

二

殘碑古樹不知名老衲居然作主盟半日閒清千
日累更煩泉乳帶松烹

三

飛來石上數峯青遠眺衡陽近洞庭人在半天尋

勝入紆回再憇禹碑亭

四

朱張講席未全頽坐聽黃鸝送濁盃俯瞰湘江如
一帶何妨歸去又重來

和張越青巡憲遊嶽麓韻 二首 周應運

嶽色如屏几案間扁舟搖曳任廻還空濛淡靄開
千岫峯嶺晴峯俯萬山荒院孤留明月照烟鍾閒
聽白雲關婆娑重理登高屐乘興來遊願共攀
尋幽每涉水雲鄉歸路廻看意不忘烟引虬松埋

古寺江環漁艇亂斜陽東山別墅遺風遠峴首輕
裘引興長韻事翩翩垂禹蹟亘懷樾蔭遍瀟湘

嶽麓遇雨

趙 孟

畫艦乘風渡橘洲偏從嶽麓振衣遊雲封鷺寺諸
天靜雨過湘江萬壑秋北海龍蛇存斷碣南軒鈴
鐸有高樓雖當屐齒冲泥滑不見岫嶺未可休

高明亭

趙 孟

亭高抗青冥坐見千里外山氣雜江烟紛霏落衣
帶

中庸亭

趙 孟

半嶺憩孤亭長松倚危石春雲澹碧空去來總無跡

及泉亭

趙 孟

涓涓聞細流蒼苔積古井照見井邊人空亭一寒影

翠微亭

趙 孟

抱膝望湘江江雲自舒卷願將雲作衣湘君爲予剪

擬蘭亭

趙 宐

家在鏡湖濱
蘭亭日來往
此中正依然
曲水流清
響

道鄉臺

趙 宐

逐客浮湘去
高臺歷歲華
丹衷留諫草
清夜宿瓊
邪芳芷依流水
啼鵲怨落花
從來遷謫恨
千古是
長沙

遊嶽麓

余 瑜

嶽色湖光積
翠嵐扁舟古
渡泛湘南
蠟成雙屐登

雲岫攜得孤筇禮佛龕
花鳥繽紛迷曲徑
山川杳靄入精藍
不知芳草因誰綠
憑仗東風取次探

游嶽麓詩

王駿

籃輿遵山陬
舳舻泊古邱
村墟鮮茅屋
孤犢驅綠疇
躋攀第一峯
悵望感九州
入門肅心志
下階拜邾鄒
至聖曷云逝
美墻難一遇
欲從無由從
逡巡尋薜荔
蔚蔥新松杉
漫漶古碑碣
春岸海鷗盟
長林天鷄唳
窈窕曲徑通
依稀蹊絕踪
擬作蘭亭游
置身竹林中
山僧訪往昔
滿目淒悲風
而今暢登

陟怡悅被山容

乘月歸嶽麓

王駿

首夏清和興自幽風生歸路暮雲收誰知嶽麓山
頭月長向昭潭水底流

春日麓峯新眺

徐則論

奔悅情飛曉渡江往時城裏但凭窗深春明艷出
新雨終古鬱蒼擁故邦分得嶽名還獨立尋來湘
外定無雙卻憐熙攘浮塵下可似螭螭聚一缸

同車敏川太史遊嶽麓

李世標

九面衡陽一望通，嵯峨身立白雲中。
蘭交漸與梅花探，桂譜曾聯玉麈同。
地湧華泉甘在水，雲封篴谷綠依桐。
生來楚澤多奇抱，豈憚高攀揖禹功。

偕江夏白銘石登嶽麓

李先香

竹籬短短向江麓，余廬值此宜非夙。
朝夕相看隔一洲，青蒼蕩漾波光逐。
雨中烟霧急迷離，高下層巒如盡伏。
風晴對之色可餐，石徑懸崖瀉長瀑。
君來江夏洞庭南，與君指點爲君探。
古寺巋然半山起，松門綠影入雲參。
座上高僧談妙諦，窻前清供

試香泉扳援更陟烟霞上眼匡胸中何浩曠颯颯
風濤若御僊飄飄衣裾凌千嶂俯瞰湘帆片片間
幾人對此開愁顏茲去衡陽不尺五祝融峯頂任
君攀君不見神禹碑北海字千秋萬古藤蘿織身
世浮雲過眼空閒鷗野鷺真相媿歸來醉飲小舫
浮恍似昨宵之夢寐

憶嶽麓吟

胡衷愉

南嶽祝融高直斗俯控羣峯供腋肘峯靈學嶽嶽
不辭稱尊亦許南面受約束蒸湘扼古潭一麓巍

然峙深厚青林森起覆青雲絕學迴瀾開戶牖風
臻鄒魯古威儀輩接人宗裡不朽往時負笈徵奇
懷私辯黃鍾與瓦缶抱書應辟此山中未似尋常
探二酉松色危橋多踞箕墟烟繡谷雜耕耦有時
大嘯響簷簷有時放眼摩蚪斗清風峽裏不攜人
道鄉臺畔頻回首讀書求友百年心平生大抵憎
卑狃切灰飛斷名山遊張樂夢中嘗八九欣聞嶽
頂呈新猷雄奇老眼來岫嶽

嶽麓

龍孔然

朱陵派委入熊湘一望崑崙逼大荒檻外江波吞
日月巖前山勢控荆揚每看附麓雲青起多在南
軒舊講堂我欲扶筇遊秉燭芒屨許否踏來狂

遊嶽麓山

翟容齋

降神維嶽峙南天七十二峯相亘綿祝融插雲不
到頂趾頭何處躡雲邊懷沙有山峻且廬相傳便
是嶽之麓香雲生滿六月寒好把奇書此中讀當
年四院跨平林地以人傳自古今幾度滄桑羅塵
劫迷離烟雨歎蕭森君子堂前松頂禿岫樓碣石

走麋鹿蒼苔班剝射蛟臺幽篁寂厯蒼筤谷太白
一出黃腰刊清絕湖南顙尾安伏遇

聖明舉封禪鉅藪名山匪舊觀同調開尊陶索賔
追隨喜踐看山約天空江淨水不波麓被雲浮雪
在壑縱目山山自主賓從前位置煥然新生面重
開增勝槩主持文物皆賢人山川之氣鍾浩瀚玉
衡獨傍文星燦高山高山願景行直欲凌雲生羽
翰

辛酉初冬嶽麓漫成

車萬有

洞庭之南山矗矗中有一峯名嶽麓崖蒼石老不
知年雲嵐常養千章木憶昔朱張講學時能爲此
山開面目來尋蝌蚪禹王碑班剝蘚食字忽忽曾
傳四絕詩與書續爲編記蔣穎叔我向墨光溯其
神其神可卽不可復更仰高風鄒道鄉却勞元晦
將臺築軍持汲取法華泉烹餉紫茸香馥馥當前
城郭古長沙萬家烟靄時在矚嶽色湖光盪我胸
寥廓襟懷何日足且拈奇句問青天應肯諸天與
僊佛帶得雲歸古渡頭舟子遊人羣逐逐

登嶽麓山

祝軒齡

古殿沉沉白日寒
奔湍激漲自潺潺
屋邊老樹雲常護
山下清泉鶴未還
刻桷几筵新氣象
綺窻燈火照巖巒
上方見說精蘭好
講道於今已倦攀

二

峽口清風拂袂偏
丹臺綠壑俯亭前
松關攜客登樓望
石室看雲借榻眠
有鳥啼添杜甫興
逢僧詩結遠公緣
推窻歷歷江城遠
坐聽疎鐘起夕烟

過橋洲拾丹陸行人嶽麓

陳鵬年

江行趁朝曦維舟尋嶽麓橫舟亘如帶展轉過江
渙危峯接天青咫尺限遊目紆迴巖前路數里及
中谷石碣始何年荒草半淹伏桑田數村落人迺
亦聚族荒荒幽花繁畝橙澗道複招提隱重鴈霧
樹蔽林木秋空天氣清白日散平陸羣動時偃仰
靜與遊者逐同行論徒侶緩步志森肅茲遊真勝
會山靈戒麋邀毋爲造物忌傾畧受清福

嶽麓記遊

陳鵬年

天下名山誰絕竒上有字青石赤神禹碑下有

山泗水真威儀自來兩聖垂萬古茲山踪跡爭
崎嶇江俯郭氣磅礴巖巒密洞壑幽以爇我來雙眼
與兩足天高日白風淒淒搜奇覽勝不自禁捷如
猿鳥來何遲招提路轉絕壁下清風峽闢亂泉瀉
萬籟無聲僧敗門曲徑松關蔽古瓦法華泉水瀉
珊瑚肺脾冷冷心神閒禪房洞達四窻曉羣峯帶
水生徘徊更上南山絕頂望洞庭瀟湘天淡蕩片
石高懸千尺餘木客螭虬不可上遊人心目皆茫
然雲麓宮前倚枯杖半騷野客正悲秋山川滿目

添離愁振衣劃然發長嘯天風瑟瑟凌滄洲年來
壯志虛蓬島白水蒼山赴荒草覓取道鄉臺畔雲
間字溪山結素好

嶽麓逢野叟絮話

趙又昂

到院春初霽殘雪掃空枝列岫呈微翠山光亦微
薰黯寒餘值此欣然共仰之間屏正凝眺有翁徐
杖藜卽席掀髯至云久在山廬眼見書堂事百年
幾興衰朱張世已遠傳聞君所知且說成元後更
物邁淳熙啟禎猶全盛記憶多英奇羣袂九經箋

來下董生帷探幽臻絕頂擔簦傍禹碑先疇數千
頃曷由賦樂饑典籍几案具膏火夜無虧問孰主
持是守令相綱維亡何寇兵潰蹂踐穴狐狸溝委
紫陽碣莽翳曲水池榛蕪廿五載猿猱古木悲名
勝不終鬱周公來撫茲慷慨任再造巍奐埒曩時
盡法討侵地多士稍揚眉剏復七改歲逆氛倡亂
離馬牛處殿閣棟折崩其榱數年奏平定茂章誰
見治金碧梵王宅奪餽供沙彌未覩高誠傳那惜
昔賢遺何緣

右文主敎澤暨南陲 中丞宣雅化令出風霆馳
濟世才重覩作帥兼作師掌上運九羣山川聽指
麾登臨尋故蹟流連住哲祠景行六君子費弗計
銖鎰丹堊宜侈前後觀良在斯十亭三舍備大厦
庇懼怡嵩陽今已矣白鹿放芳規毋似門下客機
瑟學竿吹毋似林間逸清談縱酒卮攬華須落實
諸君自勉爲對衣天子賜古道應相期言訖揮手
去明日浴方陂挑檠紀翁語敲我一枰棋

奉陪趙司馬遊嶽麓書院

祁曜徵

鳴騶出郭門
泛泛湘江水
夾岸多芳蘭
風吹暗香起
掛帆移嶽雲
弭楫傍山趾
崇構倚危峯
山林遠城市
琤琤寒玉鳴
泉聲滿人耳
攝衣拜南軒
肅容念朱子
絕學續尼山
沉冥晰至理
磬筦永千秋
書堂表芳軌
劫灰幾飛揚
榱桷尙巍峙
絃歌發清音
豈羨絲竹美
流觴雜鶯花
藉草列尊罍
何敢縱沉湎
詠歸深仰止
落日下橘洲
雙橈迴鏡裏
紛紛野燒紅
厯厯烟嵐紫
回首望岫嶼
餘情不能已
願言移琴書
翛然滌塵滓

道鄉臺

王戩

嗚呼古人不可見遺踪勝迹堪流連但是倉卒所
遊歷遂令築臺鐫石垂千年休哉鄉公本晉陵倡
明正學從伊川立朝屢屢觸忌諱長鳴斥仗何遷
延當其抗疏元豐中一身屹立正氣全所爭廟堂
與宮禁遭讒削籍長林泉崇虛復起知主德那堪
邪正相糾纏衡州遷謫願亦足湘江夜渡無延緣
貴臣逐客妬風雨老僧列炬如青蓮誰能依稀紀
歲月實賴後覺彰前賢巍七朱張兩夫子講學常

問回西渡名船陟彼靈麓想精采羞令往事隨風烟

毅然築臺赫曦舊鏗爾鐫石道鄉傳神呵鬼護五
百載遊者見此心肅然草深十丈下寒露高七羣
麋卧虺卧基邊况復書院接武精舍羅在昔何多
碑碣咏嘯埋霜天嗚呼古人不可見遺踪勝迹堪
流連

題嶽麓圖

趙 孟

潭州城外讀書處登嶂平江隔沙渚縹緲樓臺傍
石根參差亭榭藏深對雲霞隱現發光華日見仙

人鳳鸞駐極目瀟湘一片帆憑風吹入蓬萊去

登嶽麓山 乙巳秋

王 戩

層梯曲磴覺身高懷古悲秋首重搔天地到今多
剝復靈山極目有吾曹縣崖落葉繁行屐萬壑寒
流在緼袍下瞰微茫聊指點酒樓漁艇隔江皋

又

七十二峯來嶽麓九千餘丈望衡山朱陵紫蓋邈
難見老對蒼藤驚乍攀巖畔啼猿高不落巢邊飛
鷗去終還道鄉臺在烟嵐上獨上高臺意獨閒

虎岑堂寄羅西叔

王 戩

衡山形勢尤恢奇，南宮朱鳥司火維。
祝融迴雁不可到，北到靈麓途逶蛇。
石磴盤旋上青壁，松濤滿壑奔雷馳。
雜花繽紛令眼眩，百鳥鳴和益心悲。
山腰迴合抱佛寺，東邊缺處環城陴。
經行多暇坐崖廣，橘洲烟水空漫漫。
寶光頓驚舍利塔，幽恠更讀神禹碑。
屈宋風流感異代，帝子縹緲愁九疑。
我來景物殊夙昔，十年此地插軍麾。
陶公戰艦洞庭岸，諸葛羽扇天南陲。
白頭舉事笑吳漢，何似馬殷城。

外高塚還纍七浮雲變滅須臾期今我却尋真本
師岑老堂中狎虎子法王座下搏獅兒雞臙蒸豚
恐致誚閒參玉版甘朶頤憶君潭府奚所爲管弦
隊裏黃金卮落日江頭展遐眺應有嶽色掩鬚眉
惟君視我如惠施同舟千里相娛嬉巴陵一夕五
百里北風劈箭無由追居停遠寄七字詩妙絕邈
我多微詞遊山之期尙不定石頭路滑來應遲人
生出處會有宜偷閒着屐今其時他日功成身退
老便衰多恐七十二峯今望恒低垂

遊嶽麓詩次王孟穀見寄韻 羅俊

偶過洞庭探幽奇嶽麓屹岷湘水維春日明媚事
遊屐花迎草接行透蛇農人緣畝躬畚插婦子餉
饁溝塍馳古樹參天挂薜荔幽岩哀壑聞聲悲十
日星沙苦積雨回頭青翠縈隍陂理學淵源有專
祀中天聖道光綸彌捫蘿拾級到方丈隋唐寶地
餘殘碑高僧晤對萬念淨猛虎不假心生疑山僧云凡
貴客至虎必先報西日未墜登絕頂諸峯環列如旌麾禹
文蚪蚪窅難識俄有黑霧橫邊陲帝子蒼梧何處

是九疑渺渺愁湘纍人生五嶽孰無期黃冠壞衲
皆吾師獨我湖海餘豪氣遊俠每愛幽并兒醉歌
時時自擊節沉吟往往空揩頤幅巾松下欲何爲
顧余茗椀勝金巵杜鵑花發艷如火山腰嵐氣恒
侵眉朝霞暮靄誰設施素心攜手相諧嬉鷓鴣啼
音太淒切紛紛行路將焉追日暮試誦杜老詩一
篇遠勝黃絹詞浮世富貴不足羨鍾聲野寺欣棲
遲已覺山林入夢宜春禽睨睨晨興時笑他杜預
立石一山復一谷汲汲功名欲使千年垂

讀羅西叔遊嶽麓詩次韻兼寄王孟穀

查昇

洞庭之水天下奇奔濤駭浪旋坤維一入湘江始
得岸舟子負絆行透蛇東風北風帆腹飽迅疾渾
似驟鬣馳昔年烽火熾畛域室廬城郭令人悲戰
場白骨鬼夜哭青燐閃閃緣荒陴橘洲地肺浮水
面無問冬夏水瀾瀾我今來登嶽麓頂入門先見
岫嶂碑蝌斗神奇不可識卽讀註釋仍狐疑遙望
衡峯插天半眾山拱峙憑指揮羅洋雲母環府治

兒孫陳列天四陲又如百官森劍珮綬何若若印

纍纍漢陽王生素心期修門同事新城師

宮詹王阮亭夫

子餘子悠悠何足數揚孔還呼大小兒賦詩響鏤

更刻燭談經奪席妙解願竭來六日奚所爲羅君

詞客同啣卮知與王生稱莫逆曉窗愛看螺子眉

胸藏經緯未展施聊事山行復水嬉王生興盡理

歸櫂交臂一失焉能追羅君貽我嶽麓詩陳言務

去標新辭柳州作記少陵句使我翻恨相見遲琴

聲花影左右宜况復際此昇平時憑君寄語王生

豪氣莫便頽且衰詩文光芒萬丈應與天地名長垂

黃大方伯偕楊刺史趙司馬王別駕遊嶽麓
宴集靜一堂卽席有賦 祁曜徵

岫樓高聳入雲霞使節遙臨玩物華暫駐畫輪依
澗草高颺繡蓋點山花杯浮玉液風初暖鮮割銀
盤日欲斜却笑異鄉爲旅客幸陪清宴集星沙

寓嶽麓書院同余羅兩孝廉遊萬壽寺訪彌
嵩上人不值偕其徒阿諾徧遊山中諸名

勝長歌紀事

祁曜徵

君不見衡嶽之高高插天七十二峯凌雲烟茲山
率律乃其足禪宮講院紛相連我來瀟湘愛習靜
掃榻移書傍幽徑高人兩兩同嘯歌共惜春深發
遊興樹密鶯啼景物賒萬家烟火隔星沙澹日熹
微翳雲葉暗香飴岩吹風花吹香亭倚蒼簷谷北
海遺碑對山麓嶽色千重到眼青江光百頃盈襟
綠却憶支公去未還蕭蕭雙剎掩松關茗柯留客
論詩畫坐中白足如阿難解衣欲上最高頂龍竹

泉流澗波冷雨花杳靄覆經臺芳草芊眠低塔影
高閣凌虛幾度秋漫同王采賦登樓牕中積翠諸
峯入檻外空明二水流攀蘿捫葛虛巖上屐齒爭
鳴發清響岡巒迴複嶺路斜翠壁丹崖總殊狀坐
觀列岫接蓬瀛雲麓仙宮舊擅名勾陳掩映環帝
座絳節飄搖朝玉京耳邊恍惚聞天籟遠望還將
祝融拜何年片石忽飛來罡風吹上清涼界四顧
真令塵慮稀朱陵洞庭烟霏七烟開烟合驗晴雨
行七且止入翠微翠微絕巔倚空碧手摩古篆岫

巖石安得元羹使者來翔鸞倒薤重披譯憶昔滄
桑殿劫灰山川亭榭俱摧頽棘刺鈎衣抱黃洞荆
榛沒履道鄉臺古今興廢每如此禹蹟秦鞭豈常
理興狂亂摘毒芙蓉蚪書懸暮嵐紫七極蒼茫
元氣高層樓十二通神霄醉跨燭龍喚黃鶴與君
拂袖長逍遙逍遙萬里不可道荏苒風塵惜年少
他時歸去示鄉隣厯落笑囊貯詩料一壑一邱何
足云卧遊却笑宗少文盪胸央背入雲鳥輕霞薄
霧爭氤氲客牕高枕夢仙闕醒後斜陽半明滅崑

崙縣圖且莫尋夜采山花弄溪月

嶽麓山

陳五聚

十年結伴不成遊晴日閒登甑上頭春去落花垂
柳陌詩成清磬夕陽樓聽殘石滴三更雨望入湖
光萬頃秋筇杖欲停妨夜渡華星明月步難留

登嶽麓

任進孝

輕舟勝日渡湘川海嶽峒堯帝座連恠石每藏青
靄內奇峯時漏白雲邊山非標載將無地洞絕蛟
氛別有天欣際中丞文教盛風猷重紀麓山巔

春晴舟中望嶽麓

黃佳色

江干楊柳散行船
晴嶽欣看雨後天
水繞一洲新
綠漲山圍萬疊暮
雲連著書擬滴花間露
攬勝空
浮對裏烟更有上方高絕處
鍾聲杳靄息塵緣

辛亥社日奉陪樓岡方太史令弟邵村侍御
過橘洲登拱極樓小憩天外禪師丈室讀

其遺文

陶之典

僊舟肯爲麓山維
更撥輕舸向碧涯
煙寺晴嵐重
有閣岸花檣燕久無詩
雙河直步星垣上
九百青

隨殿角移何意柴桑無匹嬾得陪高矚御長思

又

道鄉臺畔瘴雲扶莫怪春歸九畹虛橘樹已隨城

崔化皇華曾記土風餘

侍御公往奉使入粵過長沙

祇應北海

名山蹟堪入浮湘太史書咄咄建安孫子在竟攜

遺笥出精廬

天外師爲張羽王先生命

懷嶽麓

趙東麗青

家大人分刺潭州時子奉家慈居越不獲追
隨旣而貢入北雍復就浙試間關跋履尙

未得一至楚南遙憶瀟湘瞻懷嶽麓惟有
白雲縹緲明發時縈而已因作懷麓詩三
首

聞道湘山翠欲流臨江齒齒石根浮堂開東壁晴
雲落署接南城佳氣收三楚日邊親喜健一經天
末子偏遊何時詩禮趨庭後得躡梯崖共討求

其二

先賢遺構在長沙天語褒榮燦九霞學舍文光依
北極仙鄉才子麗東華木蘭聽瑟峯能數班竹題

詩月自奢我欲溯洞一盤薄待隨秋雁渡虛艤

同趙司馬泛舟湘江追和

張廷幹

爲愛瀟湘景攀芳杜若洲遠峯雲外出落日水中
留荇帶牽青雀藜花浸玉甌若非卒舍客那得逐
良遊

裏羅兼三郝旣朗讀書嶽麓山中

遙望衡山麓藜光射斗牛奇文應共賞新句諒同
酬攻苦三春日飛鳴八月秋愧余漂泊客惆悵隔
中洲

陪同年車敏州太史遊嶽麓 李世樞

九面衡陽一望通，嵯峨身在白雲中。
門前山愧攜筇晚，塔上題如造勝同。
地湧華泉甘在水，香吹簞谷綠依桐。
生來楚澤多奇抱，最欲高攀揖禹功。

游岫巖山

趙志夔

選勝宜辭躋陟難，扶筇鳥道歷千盤。
青巒次第排雲出，白日蒼茫入夜殘。
玉露正隨楓葉落，金風長伴菊花寒。
登臨極目舒懷抱，歸渡湘江興未闌。

游翠微亭

趙志夔

偶試登山屐攀援薜荔分陰崖秋愈峻牧笛遠
聞江影沈疎櫂征帆逼暮春憑高同徙倚書院自
氤氲

渡橘洲

趙志謫

歸路斜陽落移舟湘水平烟迷千頃白月靜萬山
明遠瀨沉漁火清霜冷鴈聲寒光如可掬秋思繚
江城

上巳陪侍 家大人擬蘭亭讌集

趙東

千里趨庭子追隨修禊時當筵既學禮此日復論
詩酒向流泉急花子曲檻低吟箋雖已獻終媿右
軍兒

初夏登翠微亭

趙東

四月虛亭載酒過新桐嫩篠引涼多飛來紫燕偏
能舞聽得黃鸝宛似歌座上江光飛雪練欄前日
色隱陰蘿巖花猶作繁春態故傍迴廊照叵羅

遊嶽麓書院誌懷

盧震五華

嶽色秀終古翠藹蘊其趾七十二雲峯峯峯自茲

始面對星沙城驅策瀟湘水造物結構奇蔚蒸特
原委異書擇地讀舍此將安止會有南軒公因之
設臯比晦翁屬同調汲引尤不已文物熾且昌翩
翩多雀起厥后懼兵燹堂廡漬就圯賴我眾賢豪
接踵復完美君子堂肅肅簷簷谷鼎鼎緬想全勝
時未必殊若是竊懷繼武難遠矣遜二子主持倘
有人茲道期同砥興言至此間不覺曠然喜

嶽麓書院

汪 玘

岫嶠頂上禹碑傳北海烟雲尙未湮 鳳詔皇華

臨壁水 龍章飛白煥湘天 一時金碧山河壯
千
古螺書日月懸 爲報太平新獻賦 邇來國士尙堪
憐

新秋入岳麓次李蔚文和敏州太史韻

簡能

濱江絕巘與天通 湖嶽全身現此中 治水蹟原非
秘異 看山情未許雷同 擬修浮筇 洪覺範稱橘洲爲浮筇
詩
聞橘正惜空林葉 落桐過寺却驚青琬塹 道人營
護不無功

且止亭

孫全

亭名且止息人遊四顧山光返照收一郡煙嵐來
眼底百年興廢付江頭雲回遠岫舟難載月下高
天鳥漸休古寺寒烟燈火外釣簑歸處起羣鷗

暮春遊嶽麓書院

楊廷相

泗上退征掛短帆來遊嶽麓侶松杉但期問益賡
朱子敢曰叅謀從紫巖御閣挿天材濟濟蘭香
滿室燕喃喃儒風不謝山東舊願息歸心展玉絨
嶽麓寺

楊廷相

梵宇幽幽金碧龕虎岑已異舊杉庵誰如清素居
堂上鹿苑空教接野嵐

雲麓宮

楊廷相

石甍參差仙子居凌風縹緲白雲舒月明殿後傳
空響應是蹁躚鶴步虛

道林寺

楊廷相

精舍何年屬梵王幾番殿瓦墜鴛鴦祇留四絕名
無恙千古猶聞翰墨香

遊嶽麓書院

勿以君子鄉泛泛徒遨遊勿登賢者堂冥冥鮮良
傳宋室當開寶文教翕然修嶽麓闢書院朱張此
綢繆邈矣兩夫子理學相倡酬萬古同一心方寸
起千秋意領神自會不以言語求迄今數百年遺
韻如仍留近代作者希孳孳塵雜謀五穀豈蕞稗
反覺緇黃優慚余生也晚歲月半湛浮肅拜瞻宮
牆歎息撫松楸

其二

矗矗岳麓山湜湜瀟湘水山水無盡期氣運倏泰

齊兵焚黃頻仍書院亟遭毀今幸覩重構堂廡成
鳩庀江聲走垣墉嶽色墮斐几入部雙星來 膚
藻光綸璽 賜以中秘書宛然咸平始勞心邁大
人愈典在多士廟貌如翬飛鼓鍾漸盈耳須知式
廓心詎曰飾觀止毅然紹前徽監僅圖與史習染
藉漸摩超超繹厥旨俯仰懷榛苓所思惟彼美

其三

潭州介南服自古稱卑濕九歌歌未終鵬賦賦堪
泣仰止靈麓峯屹然江岸立賈勇躋其巔好風吹

習習四顧臨徬徨城郭如黍粒朱陵朝赤帝帝座
應呼吸雲洋與首禪隔岸相拱揖講堂處中阿人
文徵聚翕偕偕二三子負笈四方集所慮廢墜久
經營未遑給人心陷溺深聖域胡繇入古云行百
里其功牛九十矯首望當途作新番所急

其四

天命錫九疇文教自禹闡八載奏平成王謨繼帝
典誰傳岫嶺碑薤倒蠅形區道人豈鬼物昌黎涕
流泣聖蹟久沉晦榛塞藤蘿翳遙遙三千年靈異

帝朝顯大義貴關疑詮註亦強勉讀書不求解况
乃皇古篆天賜我斯文一脈遠流行式增書院光
巍我若冠冕遺澤追先型松柏慎勿翦

蒼篴谷

張文炳

靈異蒼篴谷天然竅奧藏有時人語響不斷鶴聲
長石潤泉微瀉岩幽日乍光疾風吹樹陣萬騎應
呼忙